



O sent ma bro, peseurt stêr a red en ho traonienn ?

Actualités | [Fanch Louarn](#) | August 16, 2010 at 1:27 am



BREIZATAO/ Kreiz Breizh(15/08/10). Glav hag avel a rae dec'h, d'ar bevarzek a viz Eost, e parrez Karnoed. Ha koulskoude, pa vez anv deus o c'hultur, ar Vretoned ne reont foutre kaer deus an amzer. Ne verne ket pe amzer a oa warne, an dud a ra war-dro Traonienn ar Sent o deus aozet un devezh gouestlet d'ar raktres-se. Kinniget o c'harantez evit o labour gant ar gizellerien d'an dud gurius ha, war-lerc'h ar ginnig-se, bet e oa aozet div brezegenn hag ur bourmenadenn evit pep seurt tud a bep seurt oad, ar re gozh hag ar re yaouank. Hag evit kas an devezh da benn, ur fest noz gant ar Vreudeur Morvan, ar strollad Stourm ha sonerien all dec'h da noz.

Krouet eo bet raktres « Traonienn ar sent » warlene, e 2009 gant ur skipailh tud a zo Philippe Abjean e penn anezhañ, da lâret eo an hini en deus lakaet an tro-Vreizh da vout bev adarre. An holl dud a oar piv eo ar sent : int a zo tud tost da Zoue. Graet o deus o seizh gwellañ evit lakaat o c'hammed war roudoù ar C'hrist. N'eo ket a-walc'h klask hen ober, red eo dont a-benn evit bout ur sant. Setu perak an dud a enor anezhe evit pediñ Doue. Skouerioù a efedusted int.

An dra-se a zo sklaer hag anavezet mat gant ar Vretoned er bed a-bezh. Hag e Breizh, e lec'h ma'z eo chomet kreñv an hengoun, ar sent a zo enoret dibaoe o erru gant ar Vretoned, dibaoe ar pempvet kantved. Int a oa sent keltiek, skouerioù ar sent all a Vreizh, re ar Grennamzer, re an amzer a-vremañ. Ouzhpenn-se, kehel ar sent a laka da soñj deomp en amzer-dremenet, hini an amzer kozh-kozh, amzer ar Baganed, pa oa ur bern doueed enoret gant an douar, ar c'hoadoù pe ar vaen. Enoriñ ar sent eo enoriñ an natur ha liester hom bro, mod pe vod.

Ha setu, hervezomp, kaoz c'hoant skipailh Philippe Abjean enoriñ sent ar vro en ur grouiñ un egorenn ba-pelec'h e vefe o c'havet; mil anezhe a vo du-hont, sañset. Choazet eo bet Karnoed evit hen ober peogwir emañ ar gêrig-se e kreizig-kreiz hom bro, ha brav-kaer eo ivez, tal-kichen ur chapelig gouestlet da sant Weltaz. Mil-vrudet eo hennezh e Breizh. Stourmet en deus a-enep un euzhvil hag e drec'het en deus. Ur skouer a stourm evidomp, sur a-walc'h.

Da mare ar miz Mae 2010, bout e oa seizh sant dija : sant Kaourantin, sant Paol-Aorelian, sant Padern, sant Samzun, sant Maloù, sant Brieg ha sant Erwan, da lâret eo ul lodig deus sent ar re a-bouez-brasañ e Breizh. Adalek an daou betek ar seizh warn ugent a viz Eost e vo kizellet santez Anna, sant Herbod, sant Hern, sant Weltaz ha Santig-Du war well an douristed, tu vo d'an dud da sellet ouzh ar gizellerien o labourat, eta.

Just a-walc'h, petra o soñj dezhe a-zivout Traonienn ar Sent gant an dud a ya da gejañ gant ar Sent ? Herveze, int a gav dezhe la se a zo un dra gaer met pa deuler ur sell war bajenn Facebook ar gevredigezh Traonienn ar Sent, nimp a c'hall gwelet ma'z eus tud hag a glemm gant emzalc'h an douristed. Ar re-se a bign war an telwennoù ! Lakaat a reont traoù lous e pep lec'h war o zro ! Nec'husat tra ! Nimp n'omp ket nec'het evel sant Per gant e bec'hed e-giz just, red eo dimp gwelet ma'z eus muioc'h-mui a dud o klask pignat war an telwennoù, avat, daoust ma'z int bet benniget gant beleien 'zo, daoust ma'z int traoù sakr. Emichañs ne vo ket ur seurt Eurodisney istor Breizh Traonienn ar Sent evit touristed ziot-ran, emichañs e chomo tost da spered ar sent, da lâret eo leun a furnez gant ur spered breizhek, keltiek ha kristen...

“Ne vez lakaet un dazond en e sav nemet en ur gemer harp war an heritaj deuet eus an amzerioù kozh” eme vPhilippe Hajjas, eil-teñzorior ar gevredigezh, war bajenn-degemer lec'hienn internet Traonienn ar Sent. Nimp, hag a zo tomm hom c'halonoù ouzh hom heritaj, keltiek ha katolik, a gemer lod e-barzh difenn raktres Traonienn ar Sent. D'hom soñj, an dra-se a laka war well gwrizioù hom sevenadur, hom fobl.

An aotrou Abjean a zo un den a-feson, ur gwir gelt, leal ha kourajus. Gwelet en deus c'hoazh ma'z eo bet an tro-Vreizh difennet-groñs da zont-tre e barzh kastell Naoned nevez 'zo abalamour d'ur maer jakobin-tre, Jean-Marc Ayrault e anv, hag a ra pep tra a-enep Breizh hag hec'h Iliz. Heuliomp e roudoù : en ur ziskouez d'an dud an doare nimp 'zo chomet leal ha douget e-keñver ar sent, nimp a stourm evidomp-ni, a-enep ideologiezh ar re n'o deus kultur ebet, sevenadur ebet, mann ebet, netra met c'hoant lazhañ pep tra bev evit lakaat war o soñj int a zo galloudus c'hoazh. Chomet omp hep bout lazhet evit poent, chomomp war hom sav, bevomp glav-avel, noz-deiz !

Bevet Traonienn ar Sent !

Evit goût hiroc'h war sujed Traonienn ar Sent e brezhoneg, bout 'vo tu da lenn traoù e Brezhoneg war e lec'hienn <http://www.lavalleedessaints.com>, mod all bout e oa ur Webnoz aozet e Karnoed d'ar 26 a viz Du 2009 gant aotrou-maer Karnoed diwar-benn Traonienn ar Sent (<http://www.brezhoweb.com/?titre=webnoz&mode=emission&crit1=100&id=14&idNum=113>).

Fañch Louarn.